

金

匱

翼

金匱翼卷七目錄

咳嗽統論

冷嗽

熱嗽

鬱熱

飲氣

食積

燥嗽

虛寒

腎咳

失音

喘統論

痰實肺閉

水氣乘肺

寒邪入肺

令火燥肺

腎虛氣逆

胸喘

血積肝傷

嘔吐論

剛壯

清涼

消痰逐水

消食去積

行氣

去風和胃 理中安虬 和導 益胃

泄瀉統論

溼瀉 寒瀉 熱瀉 久泄 食泄 酒泄

腎泄 殭泄

痢疾統論

寒下 和利 疎解 溫通 溫補 冷瀉

和養

金匱翼卷七

飼鶴山人九

長洲後學徐錦炳南氏讀

咳嗽統論

經言五藏六府皆令人欬。蓋有自外而入者。風寒暑濕燥火是也。有自內而發者。七情飢飽勞傷是也。風寒諸氣先自皮毛而入。皮毛者肺之合。皮毛受邪。內從其所合則欬者。自外而入者也。七情飢飽。內有所傷。則邪上逆。肺爲氣出入之道。故五藏之邪。上觸于

肺亦欬。此自內而發者也。然諸風所感。有不爲嗽者。病邪特甚。徑傷藏府。不留于皮毛。七情所傷。亦有不嗽者。病邪尙淺。止留本藏。未卽上攻。所以傷寒以嗽爲輕。而雜病以嗽爲重也。

咳嗽一症。其因實多。辨症不明。妄投希效。亦安賴有醫治哉。當按昔賢所述。如咳嗽有風寒。有火。有勞。有痰。有肺脹。風寒者。鼻塞聲重。惡風寒是也。宜發散行痰。又有咳喘聲啞。或咽痛。遇冷則發者。此謂寒包熱也。解表則熱自除。肺中有痰者。遇冷亦發。宜解表豁

痰火鬱者。咳多痰少。面赤焦煩是也。勞者。盜汗出。痰多唾紅。作寒熱是也。痰者。咳動便有痰。痰出咳止是也。肺脹者。動則喘滿。氣急聲重是也。

丹溪已上數條。合而觀之。參之居養。合之氣體。雖有不中。亦不遠矣。

治嗽最要。分別肺之虛實。痰之滑濇。邪之冷熱。及他藏有無。侵凌之氣。六府有無。積滯之物。虛者。人參黃芪之屬。補之。使氣充。則藏自固。實者。葶藶杏仁之屬。瀉之。使邪去。則肺自寧。痰滑者。南星半夏之屬。燥其

濕痰瀆者。瓜蒌杏仁之屬潤其燥。寒者。乾薑細辛溫之。熱者。黃芩梔子清之。氣侵者。五味芍藥收其氣。使不受邪也。積滯者。枳實瓜蒌逐其客。使無來犯也。

冷嗽

冷嗽者。身受寒氣。口飲寒漿得之。蓋肺主氣。外合皮毛。而其經內循胃口。故外內得寒。皆能傷之。經云。形寒飲冷。外內合邪。因而客之。則爲肺咳。是也。其症呼吸不利。嘔吐冷沫。胸中急痛。惡寒聲嘶。得溫則減。得寒益甚。

仲景小青龍湯 散外寒。蠲內飲。

麻黃

芍藥

乾薑

炙甘草

細辛

桂枝

各三兩

五味子

半夏

各半升

右八味。以水一斗。先煮麻黃減二升。去上沫。內諸藥。煮取三升。去滓。溫服一升。

此散寒蠲飲之神劑。東垣云。肺寒氣逆。則宜五味子同乾薑治之。有痰者以半夏爲佐。按金匱厚朴麻黃湯。加厚朴石羔杏仁小麥。減桂枝芍藥。聖濟乾薑湯。加紫苑杏仁。減芍藥細辛半夏。

外臺羊肺湯加欬冬紫苑白前食茱萸減麻黃
芍藥半夏易簡杏仁湯加人參茯苓杏仁去麻
黃其乾薑五味甘艸則四方如一轍也蓋本一
青龍而各有裁制耳

加減麻黃湯

麻黃

去節一兩

桂枝

炙甘艸

各半兩

陳皮

半夏

各七錢

杏仁

五十箇去皮尖微炒另研

右細剉每三錢紫蘇七葉生薑四片煎服

三拗湯

麻黃

杏仁

甘艸

炙各等分

右以咀。每服三錢。生薑三片。煎服微汗愈。滋

師有細辛。外臺加桂枝。名小授杯湯。和劑

加蘇子。茯苓。桑皮。陳皮。名華蓋散。

聖濟飴糖煎

飴糖

乾薑

炒一兩半 豉兩

杏仁

五十箇 去皮尖

右分二劑。煎去滓。入飴糖乾薑末服。

按咳嗽經年不愈。餘無他症。服藥無效者。得三拗湯恒愈。多用清涼。屢發屢甚。別無熱症者。得飴糖

煎遂差。不可不知也。局方於麻黃杏仁甘艸中。加阿膠。貝母桑葉。知母。欸冬。半夏。蓋雜清潤于辛溫之內。凡陰虛邪伏者。服之最宜。名欸冬花散。

熱嗽

熱嗽有久暴之異。暴者。時熱傷肺也。肺象金而惡熱。得之則脈數。氣促。口渴。胸膈不利。咽喉腫痛。子和云。熱乘肺者。急喘而嗽。面赤潮熱。手足寒。乳子每多有之。久者風寒不解。久而化火。肺受火邪。氣從火化。有升無降。其候咳唾痰濁。煩熱口渴。或吐膿血。甚者身

熱不已則成肺勞。

六味竹葉石羔湯

石羔

煨

淡竹葉

桔梗

薄荷葉

木通

甘艸

各一錢

水煎服

又治熱嗽。諸藥不效者方。

人參

石膏

甘艸

半夏

麥冬

知母

五味

杏仁

枇杷葉

水煎服

按五味子治嗽。新病惟熱傷肺者宜之。若風寒所客。則歛而不去矣。久病氣耗者。非五味子不能收之。然熱痰不除。則畱固彌堅矣。

紫苑丸

衍義云。一婦人患肺熱久嗽。身如炙。肌瘦將成肺勞。以枇杷葉、木通、欬冬、花紫苑、杏仁、桑白皮各等分。大黃減半。各如常製。治訖同爲末。煉蜜丸如櫻桃大。食後夜卧各含化一九。未終劑而

愈。此瀉肺中積熱之劑。

入參清肺湯

和劑

治肺痿吐血年久勞嗽喘急坐

卧不安。

人參

炙甘草

阿膠

炒

杏仁

去皮尖

桑皮

知母

栗殼

去蒂蓋蜜炙

烏梅

去核

地骨皮

各等分

每服三錢。水鍾半。薑一片。棗一枚。食後溫服。

按此方治勞嗽最宜。蓋以溫補虛損之陰。以酸收散。亾之陽也。

元霜膏

治虛勞熱嗽咯血唾血神效。

烏梅汁

梨汁

柿霜

白沙糖

白蜜

蘿蔔汁

各四兩

生薑汁

一兩

赤茯苓末

八兩用乳汁浸晒九次

欵冬花

紫苑

並末各二兩

右共入砂鍋內熬成膏丸如彈子大每一丸臨

卧含化嚥下。

定肺丸

欵冬花

紫苑

知母

貝母

人參

炙甘草

桑白皮

馬兜鈴

御米殼

五味子

麥冬

百部

烏梅肉等分

右爲細末。煉蜜九。櫻桃大。嚙化下一丸。

直指人參紫苑散 治虛勞咳嗽

人參

五味子

紫苑茸

陳皮

貝母

紫蘇葉

桑白皮

炒各一兩

白茯苓

二兩

杏仁

甘艸

炙各七錢五分

川芎

半夏麴

阿膠

蛤粉炒五錢

右吹咀。每服一兩。水二鍾。薑七片。烏梅一個。煎

一鍾溫服。

鬱熱嗽

鬱熱者。由肺先有熱。而寒復客之。熱爲寒鬱。肺不得通。則喘咳暴作。其候惡寒。時有熱。口中乾。咽中痛。或失音不出是也。宜辛以散寒。涼以除熱。或只用辛散。使寒去則熱自解。若遽以苦寒折之。邪氣被抑。遺禍不小。

本事利膈湯

雞蘇葉

荊芥

桔梗

牛蒡子

甘艸

殭蠶

元參

各一兩

右爲末。每服一錢。沸湯點服。日三。

方古庵云。肺主皮毛。人無病之時。榮衛周流。內氣自皮膚腠理。普達于外。一或風寒外束。則內氣不得外達。便從中起。所以火升痰上。故咳嗽。宜用辛溫。或辛涼之劑。以發散風寒。則邪退正復。而嗽止也。

飲氣嗽

飲氣嗽者。其症喘咳。上氣胸膈注悶。難于偃卧。許仁

則云。由所飲之物。停滯在胸。水氣上冲入肺。便成咳嗽。此而不治。則爲水氣。醫餘亦云。此症宜利水道。化痰下氣。不爾則成水。

溪師白前湯

白前

二兩

半夏

紫苑

各三兩

大戟

七合

水一斗。漬一宿。煮取三升。分作數服。

芫花散

芫花

乾薑

白蜜

等分

右用前二味爲末。內蜜中攪令相和。微火煎如

糜服如棗核一枚。日三夜一。備急方。用枳殼二兩炒。水煮去滓。內白糖一斤。服如棗大。

葶藶大棗瀉肺湯

葶藶

不拘多少炒令黃

右件細研。丸如彈子大。水三盞。棗十枚。煎一盞。去棗入藥。煎七分。食後服。孫兆治一人吐痰。頃間已升餘。欬不已。面色鬱黯。精神不快。兆告曰。肺中有痰。胸膈不利。當服仲景葶藶大棗湯。一服訖。已覺胸中快利。畧無痰唾矣。外臺用葶

蘇子降氣湯 治久年肺氣欬嗽喘逆。上盛下虛。痰涎壅盛。胸膈噎塞。此良驗。

蘇子降氣湯 治久年肺氣欬嗽喘逆。上盛下虛。痰涎壅盛。胸膈噎塞。

紫蘇子

炒

半夏

製各二錢半

前胡

甘草

炙

厚朴

薑汁炒

陳皮

去白各一錢

當歸

半錢

沉香

七分

水三鍾。生薑三片。煎至一鍾。不拘時服。虛冷人加桂五分。黃芪一錢。

一人痰嗽脇下痛。以白芥子瓜萋桔梗連翹風化硝竹瀝薑汁加蜜丸嚙化茶清下。

按痰飲有寒有熱。凡咳而面赤。胸腹脇常熱。惟手足乍有涼時。其脈洪者。熱痰在胸膈也。宜寒潤清膈之劑下之。面白悲噫。脇急脹痛。脈沉細弦遲者。寒痰在胸腹。宜以辛熱去之。

痰熱久嗽。氣急胸滿。知母杏仁。蘿蔔子貝母各二錢。生薑一片。水煎服。

玉液丸 治熱痰壅盛。欬嗽煩熱。

寒水石 燒令赤出火毒 半夏 洗焙為末十兩

白礬 枯十兩 細研

右合研麪糊丸。梧子大。每服三十丸。食後淡薑

湯下。

治婦人形瘦。有時夜熱痰嗽。月經不調。

香附 童便浸晒乾 瓜蘖 中 青黛 下

右爲末薑汁蜜調嚙化豆大一丸。

食積欬嗽

食積欬嗽者穀肉過多停凝不化轉爲敗濁隨呼吸之氣而上溢入肺肺者清虛之府不能容物則有欬而出之耳王節齋云因欬而有痰者欬爲重主治在肺因痰而致欬者痰爲重主治在脾但是食積成痰痰氣上升以致欬嗽只治其痰消其積而欬自止不必用肺藥以治嗽也。

瓜萸丸

瓜蒌仁

半夏

山查

神麴

等分

右爲末以瓜蒌瓤拌爲丸。竹瀝薑湯送下。

元珠云。食積痰嗽。非青黛瓜蒌仁不除。其人面色

青黃不常。或面上如蟹爪路。一黃一白者是也。

又方 杏仁蘿蔔子各二兩爲末。粥丸服。

又方 治食積痰嗽發熱。二陳加瓜蒌萊菔子山

查枳實神麴。

燥欬

肺燥者。肺虛液少而燥氣乘之也。其狀欬甚而少涎。

沫咽喉乾。氣哽不利。子和云。燥乘肺者。氣壅不利。百節內痛。皮膚乾燥。大便秘澁。涕唾稠粘。潔古云。欬而無痰者。宜以辛甘潤其肺也。

延年天門冬煎

生天門冬煎汁一升 生地黃汁五升 橘皮

炙甘草 人參二兩 白蜜五合 牛酥二合

白糖五兩 杏仁一升 貝母 紫苑

通艸三兩 百部 白前二兩 生薑汁一合

右以水六升。煮貝母等取二升五合。去滓。入天

門冬地黃汁煎減半。內酥蜜薑汁等煎。令可丸。取如雞子黃大。含嚥之。日四五次。

杏仁煎

杏仁一升去皮尖

白糖

酥

生薑汁一合

蜜

五合

貝母

八合別研

蘇子

一升研取汁

右先搗杏仁如泥。內後六味同煎如稠糖。取如棗大含嚥之。日三。

又有一種肝燥礙肺者。其症欬而無痰。脇痛潮熱。女子則月事不來。此不當治肺而當治肝。蓋本非肺病。

肝血燥則肝氣強而觸肺藏也滋之調之血液通行。
乾欬自愈。

千金豕膏丸

髮灰

杏仁

熱令黃色

右二味等分研如脂以豬膏和酒服如桐子大

三九日三神良。

上清丸

清聲潤肺止欬嗽爽氣定神。

白沙糖

八兩

薄荷葉

四兩

柿霜

四兩

礪砂

寒水石

烏梅肉

各五錢

片腦五分

右爲末。甘艸水熬成膏。和丸。芡實大。每一丸噙化。

虛寒嗽

虛寒嗽者。其寒不從外入。乃上中二焦。陽氣不足。而寒動於中也。或初雖起于火熱。因過服寒涼。消尅以致脾土受傷。而肺益失養。脈微氣少。飲食不入者。急宜溫養脾肺爲主也。

加味理中湯

人參

白朮

乾薑生

甘艸炙

橘紅

茯苓

半夏

細辛

五味

等分

右咬咀每服三錢薑棗煎食前服。戴元禮云
飲水一二口而慙止者熱嗽也。呷熱湯而得停
者寒嗽也。治熱嗽以小柴胡加五味。冷嗽以理
中湯加五味。皆以試之驗。直指方理中圓加
阿膠五味。

濟生紫苑湯

治肺虛寒嗽喘急無熱症者。

紫苑茸

洗

乾薑

炮

黃芪

人參

五味子

鍾乳石

杏仁

麩炒去皮尖

甘艸

炙各五錢

右㕮咀。每服四錢。水一盞。薑五片。棗一枚。煎服。

腎欬

腎虛氣逆者。腎之脈從腎上貫肝膈入肺中。循喉嚨。腎中陰火上炎入肺則欬。腎中陰水隨經入肺亦欬。內經云。欬嗽煩冤者。是腎氣之逆也。又少陰所謂欬。嘔上氣喘者。陰氣在下。陽氣在上。諸陽氣浮。無所依從。故欬嘔上氣喘也。水則濟生腎氣補而逐之。火則

六味都氣之屬。引而下之。又有一種少陰腎症。水飲與裏寒。合而作嗽。腹痛下利者。宜真武湯加減治之。

真武湯

白茯苓

白朮

白芍

各一兩

熟附子

半兩

右剉散。每二錢半。加生薑細辛五味子各半錢。薑三片。食前煎服。

咳嗽失音

咳而失音。有新久虛實之異。新者多實。痰火閉鬱。所謂金實不鳴也。久者多虛。肺損氣脫。所謂金破亦不

鳴也。實者逐邪。蠲飲易治。虛者補肺養氣難治。亦有肺已虛損而風寒未盡。或痰火閉塞者。則攻補俱碍。其治尤難也。

訶子飲 治久嗽語聲不出。

訶子肉

杏仁

各一錢炒通草

半錢

分二服。每服水二鍾。薑三片。煎一鍾。食遠溫服。一方訶子四箇。有桔梗一兩半。甘艸二寸。

杏仁煎 治嗽失音不出。

杏仁

三兩

生薑汁

蜜

各一兩

木通

桑白皮

貝母

各二兩一分

紫苑

五味

各二兩

水三升。煎半升去滓。入杏仁蜜薑汁再熬成稀膏。食後卧嚙化一匙。

又方 皂角一握。去皮弦子。蘿蔔三箇切片。水一碗煎至半碗服之。不過三服。能使語出聲。

治盛寒失音不語。咽喉痒痛。

桂心

杏仁

各一兩

爲末蜜丸櫻桃大。綿裹嚙津。

戴云。有嗽而咽痛失音。多進冷劑而聲愈不出。

者宜生薑汁調消風散少少進之。或只一味薑汁亦得。又云聲啞者寒包其熱也宜細辛半夏生薑之屬辛以散之。若痰熱壅于肺者金空則鳴。必清肺中邪滯用清咽寧肺湯主之。

清咽寧肺湯

桔梗

二錢

炒山梔

黃芩

桑皮

甘艸

前胡

知母

貝母

水二鍾煎八分食後服。

和劑欬冬花散

治肺已虛而風寒未盡喘滿煩

悶痰涎壅盛。鼻塞流涕。咽喉不利。

杏仁

阿膠

炒

麻黃

去根節

半夏

湯洗薑製

欬冬花

桑葉

知母

貝母

各一兩

右吹咀。每服二錢水一鍾。薑三片。水煎食前溫

服。

準繩用炙甘草與半夏加一倍

喘統論

三因方云喘病肺實者肺必脹上氣咽中逆如欲嘔狀自汗肺虛者必咽乾無液少氣不足以息也王宇泰云喘而無汗煩躁脉浮大者汗之喘而有汗腹滿脈沉實者下之又云喘而自汗腹滿便閉氣口脈大于人迎下之無疑外此則不宜輕下也。

欬嗽氣急喉聲如鼾者爲虛喉中如水雞聲者爲實戴復庵云有痰喘有氣喘有胃虛喘有火炎上喘痰喘者凡喘便有痰聲氣喘者呼吸急促而無痰聲胃

氣虛喘者。擡肩擷肚。喘而不休。火炎上喘者。乍進乍退。得食則減。食已復甚。大槩胃中有實火。膈上有稠痰。得食入咽。墜下痰涎。其喘卽止。稍久食已入胃。反助其火。痰再升上。喘反大作。俗不知此。作胃虛治。以燥熱之藥者。以火濟火也。

痰實肺閉

肺虛如器而不容物。痰熱實之。則氣不得宣。呼吸壅滯。喘急妨悶。胸膈痞痛。徹背者。宜濟生瓜蒌實丸。此與水氣相似。但水卽飲也。飲體稀而痰質稠。飲多寒

而痰多熱耳。

濟生瓜蒌實丸

瓜蒌實

研

枳實

去瓢麩炒

桔梗

半夏

等分

右爲末。薑汁打糊爲丸。如梧子大。每服五七十丸。食後淡薑湯下。

元戎葶藶大棗湯

葶藶

二兩炒紫色作丸

以水三升。大棗二十枚。同煮取二升去滓。內麻

黃五味子各半兩。取清。令二日服一劑盡。差外

臺方。葶藶杏仁二味。杵末棗肉丸。此又加麻黃五味。其用彌廣矣。

水氣乘肺

喘因水氣乘肺者。經所謂不得卧。卧則喘者。是水氣之客也。古法心下有水氣上乘于肺。喘而不得卧者。以直指神秘湯主之。若腎中水邪干肺者。則以濟生腎氣丸主之。

神秘湯

人參

陳皮

桔梗

紫蘇

半夏

桑皮

檳榔

各一錢

炙甘草

五分

五味子

十五粒

右用水薑煎食遠溫服。

寒邪入肺

喘因寒邪入肺者。經曰邪在肺。則病皮膚痛。寒熱。上氣。喘欬。動肩背。因背受寒邪。伏于肺中。關竅不通。呼吸不利。右寸沉而緊。亦有六部俱伏者。宜發散。則身熱退而喘定。小青龍三拗湯之屬。若內兼火熱。外顯煩躁者。宜散而兼清。麻杏甘石之屬。

小青龍湯

麻黃

桂枝

芍藥

細辛

甘艸

各三錢

乾薑

三錢

半夏

五味子

各半升

右以水一斗。先煮麻黃去上沫。內諸藥。煮取三升。強人服一升。羸者減之。

三拗湯

方見欬門

令火燔金

喘因夏月火燔肺金者。上焦熱甚。煩渴多汗。肺主氣而屬金。金畏火逼。氣不得降而反上行。從化于火也。

人參白虎湯

人參

石膏

知母

甘草

粳米

腎虛氣逆

喘因腎虛氣吸不下者。或因氣自小腹下起而上逆者。但經微勞。或飢時卽發。宜以六味補陰之屬。壯水配火。若足冷而熱者。須以八味安腎之屬。導火歸元。安腎丸

肉桂

去粗皮
不見火

川烏頭

炮去皮臍
各十六兩

桃仁

麩炒

白茯苓

剉去刺

巴戟

去心

山藥

茯苓

肉苁蓉

酒浸炙

石斛

去根

草薢

白朮

破故紙

各四十兩

右爲末煉蜜爲丸梧子大每服三十丸鹽湯送

下空心食前。

小安腎丸

治腎虛冷憊陰火上升喘嗽齒痛腰

痛。

香附子

川烏頭

川楝子

以上各一斤用鹽四兩水

四升全煮候乾切焙

茴香

十二兩

熟地黃

八兩

川椒

去目及閉口者
少出微汗四兩

右六味爲細末酒糊丸桐子大每服二十九至
三十九空心臨卧鹽湯溫酒任下。

胸喘

胸喘者積痰在肺遇冷卽發喘鳴迫塞但坐不得卧
外寒與內飲相搏宜小青龍湯主之若肺有積熱熱
爲寒束者宜越婢湯主之。

小青龍湯

方見前

越婢加半夏湯

麻黃 六兩 石羔 半斤 生薑 三兩 甘艸 一兩

半夏 半斤 大棗 十五枚

右六味以水六升。先煮麻黃去上沫。內諸藥。煮取三升。分溫三服。

定喘湯

白果 二十一枚去殼 麻黃 半夏

杏仁 蘇子 桑皮 欵冬花 各二錢

黃芩 炒一錢半 甘艸 一錢

水三鍾煎二鍾。分二服。徐徐服無時。一方無

黃芩。

按仲景云。欬而上氣。此爲肺脹。其人喘目如脫狀。越婢加半夏湯治之。又肺脹欬而上氣煩躁而喘。脈浮者。心下有水。小青龍加石膏湯主之。丹溪云。肺脹而欬者。用訶子青黛杏仁。佐以海石香附瓜蒌半麴蜜丸。噙化。仲景之治。乃傷寒法也。邪從皮毛入肺。則肺脹。故治以散邪之劑。丹溪之治。乃陰虛火動迫肺。及濁痰瘀血凝結于內。故治以收斂消痰之劑。然亦有引動腎間虛氣喘不得卧。足冷如冰者。非濟生腎氣

不效。丹溪治齁喘之症。未發以扶正氣為主。八味腎氣溫腎行水之謂也。已發用攻邪氣為主。越婢青龍泄肺蠲飲之謂也。

定喘丸 治虛人痰多欬嗽。胃滿氣逆。行坐無時。連年不已。

人參二錢半 南星 半夏各二錢 苦葶藶五錢

右爲末。生薑自然汁糊丸黍粒大。每三五十丸。生薑湯下。亦可漸加。

血積肝傷

喘因血積傷肝者。經曰肝脈搏堅而長。色不青。當病
墜若搏。因血在脇下。令人喘逆是也。

嘔吐統論

仁齋直指云。嘔吐出于胃氣之不和。人所共知也。然有胃寒。有胃熱。有痰水。有宿食。有膿血。有氣攻。又有所謂風邪干胃。凡是數者。可不究其所自來哉。寒而嘔吐。則喜熱惡寒。四肢淒清。法當以剛壯溫之。熱而嘔吐。則喜冷惡熱。煩躁中乾。法當以清涼解之。痰水症者。吐沫怔忡。先渴後嘔。與之消痰逐水。輩宿食症者。胸腹脹滿。醋悶吞酸。與之消食去積。輩腥氣燥氣薰炙惡心。此膿血之聚。經所謂嘔家有癰膿。不須治。

膿盡自愈是也。七情內鬱。關格不平。此氣攻之症。經所謂諸鬱干胃。則嘔吐是也。若夫風邪入胃。人多不審。率用參朮助之。攔住寒邪。於此尤關利害。其或惡聞食臭。湯水不下。粥藥不納。此則翻胃之垂絕者也。辨之不早。其何以爲對治乎。雖然。足陽明之經。胃之絡脈也。陽明之氣下行則順。今逆而上行。謹不可泄固也。然嘔吐者。每大便秘結。上下壅遏。氣不流行。蓋思所以區畫而利導之。他如汗後水葯不入口者。遂嘔而脈弱。小便復利。身微熱而手足厥者。虛寒之

極也。識者憂焉。

潔古論吐以氣積寒。分屬上中下三焦。大旨元從啟元子。食不得入。是有火。食入反出。是無火。來至中焦吐。則獨以積字該之。夫中焦氣交之分。主運行上下和調陰陽。其病有虛有實。有寒有熱。其治亦不拘一法。豈區區毒藥去積。枳櫛木香和氣。所能盡其事哉。東垣論吐以嘔吐噦。分屬太陽陽明少陽。以其經氣血多少而爲聲物有無之別。未見著實。

剛壯之劑

吳茱萸湯 治冷涎嘔吐。

吳茱萸

沸湯泡洗三次焙乾

生薑

各一人半

人參

三分

大棗

五箇

右剉每服四錢。水盞半。食前服。

本事附子散 治反胃嘔吐。

附子一枚極大者。坐于磚上。四面著火漸漸逼熱。淬入生薑自然汁中。再上火逼再淬。約盡薑汁半盃。焙乾末之。每服二錢。水一盞。粟米少許同煎七分。不過三服。

清涼之劑

本事竹茹湯 治胃熱嘔吐

乾葛 三兩 甘艸 三錢 半夏 一兩 薑汁 半盞 漿水 一升 煮耗半

右爲粗末每服五錢水二盞薑三片棗一枚竹茹一錢同煮至一盞去滓溫服

許叔微云胃熱者手足心熱政和中一宗人病傷寒得汗身涼數日忽嘔吐藥與食俱不下醫者皆進丁香藿香滑石等藥下咽卽吐予曰此正汗後餘熱留胃脘孫兆竹茹湯正相當耳急治藥與之

卽時愈

龐老枇杷葉散

枇杷葉

刷淨毛

人參

各一錢

茯苓

半兩

茅根

二兩

半夏

一錢

右細剉每服四錢水一盞半生薑七片漫火煎

至七分去滓入栝榔末半錢和勻服之

此方宜入行氣

項下

新定清中止嘔方

半夏

一錢

茯苓

二錢

陳皮

一錢

竹茹

一錢

乾葛 五分 生薑 五分 蘆根 五錢 枇杷葉 三片

麥冬 一錢 白風米 百粒

消痰逐水之劑

大半夏湯 治痰症嘔吐。

半夏 製二升 人參 三兩切

右每四錢薑七片蜜少許熟煎服。

小半夏茯苓湯 金匱云嘔家用半夏以去其水
水去嘔止。

半夏 一升 生薑 半斤 茯苓 三兩

右三味以水七升。煮取一升半。分溫再服。

局方二陳湯 治痰飲嘔惡頭眩心悸。

陳皮

半夏

製各三錢

茯苓

二錢

炙甘草

一錢

水二鍾。薑三片。食遠服。

東垣云。辛藥生薑之類。治嘔吐。但治上焦氣壅表實之病。若胃虛穀氣不行。胸中痞塞而嘔吐者。惟宜益胃。推揚穀氣而已。故服小半夏湯不愈者。服大半夏湯立愈。此仲景心法也。

本事神木丸

治嘔吐清水。亦治嘔酸。

方見痰飲門

經云太陰之復嘔。而密默。唾吐清液。治以苦熱。是水屬濕也。或一味蒼朮製炒爲丸服之。

丹溪云。或問吞酸。素問明以爲熱。東垣又以爲寒何也。曰吐酸與吞酸不同。吐酸是吐出酸水如醋。平時津液隨上升之氣鬱而成積。成積既久。濕中生熱。故從水化。遂作酸味。非熱而何其有鬱積之久。不能自涌而出。伏于肺胃之間。咯不得上。嚥不得下。肌表得風寒。則內熱愈鬱。而酸味刺心。肌表溫煖。腠理開發。

或得香熱湯九津液得行。亦可暫解。非寒而何。素問言熱者。言其本也。東垣言寒者。言其末也。但東垣不言外得風寒而作收氣立說。欲瀉肺金之實。又謂寒藥不可治酸。而用安胃湯加二陳湯。俱犯丁香。且無治熱濕積鬱之法。爲未合經意。予嘗論治吞酸。用黃連茱萸各製炒。隨時令迭爲佐使。蒼朮茯苓爲輔。湯浸蒸餅爲小丸吞之。仍教以糲食蔬果自養。則病自愈。

消食去積之劑

治中湯 治食症嘔吐。

人參

白朮

乾薑

炮

甘草

炙

青皮

橘皮

等分

右剉每服三錢。棗一枚煎服。積聚大便多者加
大黃二砮子許。

二陳湯加縮砂丁香亦治宿食嘔吐。

潔古紫沉丸 治中焦吐食。由食積與寒氣相格

故吐而疼。

砂仁

半夏麴

各三錢

烏梅

去核

丁香

檳榔 各二錢

沉香

杏仁

白木

木香 各一錢

陳皮 五錢

白荳蔻

巴霜 各五分

右除巴霜另炒外。為細末和勻醋糊為丸。如黍

米大。每服五十丸。食後薑湯下。愈則止。

溫中法麴丸 治食已心下痛。陰陰然不可忍。吐

出乃已。病名食痺。

法麴 炒

麥芽 炒

白茯苓

陳皮 去白

厚朴

枳實 麴炒各一兩

人參

附子 製

炮薑

炙草

桔梗 各五錢

吳茱萸 湯炮三錢

右爲細末煉蜜丸梧子大每服七八十丸食前
熱水送下一方有當歸細辛。

行氣之劑

加減七氣丸 治氣鬱嘔吐。

半夏

製二人兩半

人參

辣桂

厚朴

製各一兩

茯苓

一兩半

甘艸

炙半兩

右剉散每三錢半薑七片棗一枚煎服加木香

亦得。

去風和胃之劑

藿香正氣散 治風邪入胃嘔吐。

半夏麴

川厚朴製各三兩 藿香葉 橘紅各一兩

甘艸炙七錢

右剉散每三錢薑三片。棗一枚。食前煎服。

清胃丸 治嘔吐脈弦頭痛。

柴胡一兩 黃芩七錢半 甘艸炙 人參各五錢

半夏三錢 青黛二錢半

右細末每薑汁浸蒸餅丸桐子大。每五十九薑湯下。

理中安虵之劑

安虵丸

人參

白朮

乾薑

甘艸

川椒

烏梅

導利之劑

金匱大黃甘艸湯

治食已卽吐

大黃

四兩

甘艸

一兩

水三升。煮取一升。分溫再服。

此上病療下之法。夫陽明之氣順而下行者也。若

下焦不通其氣必反而上行是以食已卽吐用大黃以通大便則氣復順而下行矣所謂濁氣自歸濁道也。

東垣通幽湯 治幽門不通上衝吸門嘔吐噎塞氣不得上下治在幽門。

熟地

生地

各二錢

紅花

五分

桃仁泥

七粒

當歸

甘艸

升麻

各五分

大黃

一錢

右咬咀都作一服水二大盞煎至一盞去滓熱服。

準繩云陰虛邪氣逆上窒塞嘔噦不足之病此地道不通也當用生地黃當歸桃仁紅花之類和血涼血潤血兼用甘艸以補其氣微加大黃芒硝以通其閉大便利邪氣去則氣逆嘔吐自愈矣。

益胃之劑

廣濟茺菟子湯 治翻胃嘔吐不下食腹中氣逆

人參

一兩

白茺菟

七粒

甘艸

炒一兩

生薑

五兩

水四升煮取一升五合去滓分溫三服相去如人行五六里。

丁香煮散

丁香

石蓮肉

各十枚

北棗

七枚

生薑

七片

黃稊米

半合

右以水一碗半。煮稀粥去藥取粥食之。

欬嗽嘔吐痰血飲食

欬而嘔吐。痰食俱出者傷于胃氣。昔人所謂肺病連胃是也。嘔血帶痰而出者傷于肺之絡。金匱所謂熱傷血脈是也。吐血者。一陳湯加減治之。吐血者。補肺湯主之。

加減二陳湯

半夏一錢 杏仁一錢 茯苓一錢 炙草五分

橘紅一錢 竹茹八分 生薑一片 粳米一百粒

右藥用清水煎服加枇杷葉蘆根佳。

補肺阿膠湯

阿膠一錢 兜鈴五分 炙艸五分 干勞一錢

杏仁七粒 糯米一百粒

都作一服。甚者加生地黃藕汁。

泄瀉諸症統論

戴復庵云。瀉水腹不痛者濕也。飲食入胃輒瀉之完穀不化者氣虛也。腹痛瀉水腸鳴痛一陣瀉一陣者火也。或瀉或不瀉或多或少者痰也。腹痛甚而瀉瀉後痛減者積也。陰泄者水穀不化而完出。濕兼風也。瘧泄者漸下污積粘垢。濕兼熱也。驚泄者所下澄徹清冷。小便清白。濕兼寒也。濡泄者體重軟弱泄下多水。濕自甚也。滑泄者久下不能禁固。濕勝氣脫也。故曰濕多成五泄。

濕瀉

濕瀉一名濡泄。其脈濡細。其症泄水。虛滑腸鳴。身重。腹不痛。由脾胃有濕。則水穀不化。清濁不分。久雨潮溢。或運氣濕土司令之時。多有此疾。內經所謂濕勝則濡泄。左傳所謂雨淫腹疾者是也。又水寒之氣入客腸間。亦令人濡瀉。經云太陽之勝。寒客下焦。傳爲濡泄是也。

本事芎藭丸 治風濕滑泄

芎藭

神麴

白朮

附子

炮各等分

右爲細末。麪糊丸如梧子大。每服三五十丸。米飲送下。

許叔微云。左氏述楚子圍蕭。蕭將潰。無社告叔展曰。有麥麪乎。有山鞠藭乎。意欲令逃水中以避。是知芎藭能除濕。予常加朮附以製方。治脾濕而瀉者。萬無不中。此藥亦治飧泄。

劉草窗瀉濕湯

生白朮三錢 白芍二錢 陳皮炒一錢五分

防風一錢 升麻五分

右剉作一貼。水煎服。此用風藥以舉其氣。抑勝其濕也。河間云。有腸胃燥鬱。水液不能宣行于外。反以停濕而泄。或燥濕往來。而時結時泄者。此又濕瀉之變。余見有老人久泄。飲牛乳而泄反止者。此類是耳。

胃苓湯 治脾濕太過泄瀉不止。

平胃散

五苓散

各等分

右剉水煎服。平胃散治酒泄不已。飲後尤甚。加丁香。縮砂。麥芽。神麴各五錢爲末。米飲調二錢。

立愈

升陽除濕湯

方見殞泄

東垣云。予病脾胃久衰。視聽半失。氣短精神不足。此由陽氣衰弱。不得舒伸。伏匿于陰中耳。癸卯歲六月間。淫雨陰寒。踰月不止。時人多病泄利。一日予體重肢節疼痛。大便泄下。而小便閉塞。治法諸泄利。小便不利。先分利之。又云。治濕不利小便。非其治也。噫。聖人之法。布在方策。其不盡者。可以意求耳。今客邪寒濕之淫。從外而入裏。若用淡滲之劑以除之。是降

之又降。復益其陰。而重竭其陽。則陽愈削。而精神愈短矣。故必用升陽風藥。羌活獨活柴胡升麻各一錢。防風根半錢。炙甘草半錢。同咬咀。水二鍾。煎至一盞。去滓。稍熱服。大法云。濕寒之勝。助風以平之。又曰。下者舉之。得陽氣升騰而去矣。又云。客者除之。是因曲而爲之直也。醫不達升降浮沉之理。而一槩施治。其愈者幸也。

寒瀉 一名鷺瀉

鷺瀉者。水糞并趨大腸也。夫脾主爲胃行其津液者。

也。脾氣衰弱不能分布，則津液糟粕并趨一竅而下。金匱所謂脾氣衰則鶩溇也。又寒氣在下，亦令人水糞雜下，而色多青黑，所謂大腸有寒則鶩溇也。

羅謙甫云：鶩溇者，大便如水，其中有少結糞是也。

補本丸

蒼朮

川椒

去目炒
各一兩

末之，醋和丸如桐子大，每服五十丸，食前溫水下。一法惡痢久不效者，彌佳。小兒丸如米大。

桂枝湯 治太陽經傷動，傳太陰下利，爲鶩溇。大

全日身 卷一
腸不能禁固。卒然而下。中有硬物。欲起而又下。欲了而又不了。小便多清。此寒也。宜溫之。春夏桂枝湯。秋冬白朮散。

川桂枝 白芍藥 白朮 各半兩 炙草 二錢

每服半兩。水一盞。煎七分。去滓溫服。

白朮散

白朮 白芍藥 各三錢 乾薑 炮半兩 炙草 二錢

右爲細末。如前服之。甚則除去乾薑加附子三錢。謂辛能發散也。

附子溫中湯 治寒瀉腹痛或水穀不化。

附子

炮

乾薑

炮各一錢半

人參

白朮

白茯苓

白芍

炙艸

各一錢

厚朴

豆蔻

陳皮

右作一貼水煎空心服。

熱瀉

熱瀉者夏月熱氣乍乘太陰與濕相合一時傾瀉如水之注亦名暴泄。內經所謂暴注下迫皆屬于熱是也。其症腹痛自汗煩渴面垢脈洪數或虛肛門熱痛。

糞出如湯。或兼嘔吐。心腹絞痛者。即霍亂之候也。

杏薤飲

香茹

去土一斤

白藕豆

半斤微炒

厚朴

半斤去皮薑汁炙熟

右咬咀。每服三錢。水一盞。煎七分。沉冷不拘時服。一方加黃連四兩。薑汁炒令黃。

六和湯

香茹

二錢

砂仁

半夏

杏仁

人參

甘艸

炙各五分

赤苓

藿香

白藕豆

薑汁畧炒

厚朴

木瓜

水二鍾。薑五片。紅棗一枚。煎一鍾。不拘時服。

久泄

久泄不止。百藥不效。或暫止而復來。此必有陳積在腸胃之間。積一日不去。則瀉一日不愈。必先逐去陳積而復補之。庶幾獲益。如果係藏虛滑泄。審無腹痛。脈微虛不沉滯者。可以溫澁之藥固之。

本事溫脾湯 治痼冷在腸胃間。連年腹痛泄瀉。休作無時。服諸熱藥不效。宜先取去。然後調治。易瘥。不可畏虛以養病也。

厚朴

乾薑

甘艸

桂心

附子

生各二兩

大黃

生四錢碎切湯一盞浸半日濾去渣煎湯時和渣下

右細剉水二升半煎八合後下大黃汁再煎六合去滓澄去脚分三服自夜至曉令盡不受食前更以乾薑丸佐之。

乾薑丸

乾薑

巴豆

去心炒黃

人參

大黃

各一兩

右除巴豆餘為末同研煉蜜丸如梧子大服前湯時用湯下一丸。

震靈丹一名紫金丹 治一切沉寒痼冷久瀉久痢臍腹冷痛嘔吐不食及婦人血氣虛損崩漏帶下。

禹餘糧

火煨醋淬不計遍數手撚得碎爲度

紫石英

赤石脂

丁頭代赭石

如禹餘糧製法各四錢

已上四味並作小塊入甘鍋內鹽泥固濟候乾用炭十斤煨通紅火盡爲度入地埋出火毒二宿。

滴乳香

另研

五靈脂

去沙石篩

沒藥

去沙石研各二兩

硃砂

水飛一兩

右八味並爲細末。以糯米粉煮糊爲丸。如芡實大。晒乾出光。每一丸空心溫酒或冷水下。忌猪羊血。恐減藥力。婦人醋湯下。

乳豆丸

治滑泄不止。諸藥無効。

肉豆蔻

生爲末

右用通明乳香。以酒浸過。研成膏。丸如桐子大。每五十九。空心米飲送下。

和刺桃花丸

寒瀉腹中痛。服諸熱藥以溫中。並

不見效。登固不迭穢物隨出。此屬下焦。宜桃花丸以溫澁之。

赤石脂

乾薑炮等分

右爲末。麪糊丸如梧子大。每服三十丸。空心食前米飲下。日三。

河間訶子散 治泄久腹痛漸已瀉下漸少。宜此藥止之。

訶子

一兩半
生半熟

黃連

三錢

木香

半兩

甘艸

二錢

右爲細末。每服二錢。以白朮芍藥湯調下。如止。

之未已。宜因其歸而送之。于訶子散內加厚朴一兩。竭其邪氣也。接收澁之劑。固腸丸。訶子散。皆治熱滑。扶脾丸。桃花丸。皆治寒滑。蓋滑泄雖同。而有陰陽之分也。

以下食泄

加味平胃散 治食積瀉。噫氣作酸。泄而腹痛甚。瀉後痛減。冥如抱壤雞子。得效云。傷食積而瀉者。糞白可驗。且腹必耕痛。方泄是也。

蒼朮

厚朴

陳皮

甘艸

縮砂

艸果

山楂子

麥芽

水煎服。有停飲食數日乃瀉。後屢作屢止。飲食稍多即發。名曰瀉瀉。宜枳朮麴蘖丸。

以下酒泄

治飲酒過多。遂成酒泄。骨立不能食。但飲一二杯即發。經年不愈方。

蒼朮 厚朴 陳皮 甘艸

丁香 縮砂 乾葛 麥芽

神麴

石爲末。空心米飲調下二錢。

治傷酒晨起必瀉方。

人參

白朮

乾薑

炙甘草

茯苓

乾葛

陳皮

川黃連

酒浸炒

右剉薑水煎服。

腎泄

腎泄者五更溏瀉也。腎雖水藏而中有元陽爲脾土之母。又腎者主蟄封藏之本。而開竅于二陰。腎陽既虛。既不能溫養于脾。又不能禁固于下。故遇子後陽生之時。其氣不振。陰寒反勝。則腹鳴奔響作脹。瀉去一二行乃安。積月不愈。或至累年。此病藏于腎。宜治

下。而不宜治中者也。

五味子散

五味子

二兩

吳茱萸

半兩細粒綠色者

右二味同炒香熟爲度細末每二錢陳米飲下。許氏云頃年有一親識每五更初欲曉時必溻泄一次如是數月有人云此名腎泄感陰氣而然得此頓愈。

四神丸

肉豆蔻

五味子

各二兩

補骨脂

四兩

吳茱萸

浸炒
一兩

右爲末。生薑八兩。紅棗一百枚。煮熟取棗肉和丸如梧子大。每服五七十九丸。空心或食前白湯下。一云夜食前更進一服。蓋煖藥雖平旦服之。至夜力已盡。無以敵一夜陰氣之故也。 澹寮無五味。吳茱萸有茴香一兩。木香半兩。一方去五味。吳茱萸入神麴麥芽。

按五更瀉泄。不獨腎虛一端。酒積寒積。食積皆作此病。槩與溫腎非其治矣。食積酒積治法詳

久泄吞紅丸子。或單服麴蘖枳朮丸。寒積者積寒在脾腎。宜魏氏椒朴丸。

椒朴丸

益智仁去殼炒 川椒炒出汗 川厚朴薑製

陳皮 白乾薑 茴香炒各等分

右用青鹽等分。于銀石器內。以水浸乾。藥慢火煮乾。焙燥爲末。酒糊丸如梧子大。每服三十丸。加至四十丸。空心鹽湯溫酒任下。

傷酒者。濕熱在脾。宜理中湯。加乾葛黃連。或葛花

解醢湯吞酒煮黃連丸

飲食過多。脾胃之氣不能運化。其人必噯氣如敗
卵。宜治中湯加砂仁半錢。吞紅丸子。或單服麴蘖
枳朮丸。

飧泄

飧泄。完穀不化也。脾胃氣衰。不能熟腐水穀。而食物
完出。經所謂脾病者。虛則腹滿腸鳴。飧泄。食不化是
也。又清氣在下。則生飧泄者。謂陽氣虛則下陷也。又
風氣入脾。亦令飧泄。夫風者木氣也。而行于土中。風

性善行傳化疾速則熟腐不及經所謂久風入中爲腸風殭泄者是也又脾所生病爲胃滿嘔逆殭泄者亦木氣制土之所致也又虛邪舍于腸胃多寒則腸鳴殭泄食不化者土性喜溫而惡寒多寒則變化無權也故殭泄之病約有三端一曰虛二曰風三曰冷而皆以虛爲本也亦曰虛泄。

胃風湯 治風冷虛氣入客腸胃水穀不化泄瀉
注下腹脇虛滿腸鳴疝痛

人參

茯苓

川芎

官桂

當歸

白芍

白朮各等分

每服二錢水一大盞粟米百餘粒同煎七分去渣稍熱空心服。若虛勞嗽加五味子。若有痰加半夏。若發熱加柴胡。若有汗加牡蠣。若虛寒加附子。若寒甚加乾薑。皆依本方等分。

防風芍藥湯

治飧泄脈弦身熱腹痛而渴。

防風

芍藥各二錢黃芩一錢蒼朮三錢

水煎服。此治風入脾之法也。

鞠躋丸

方見
濡泄

吳茱萸散

方見
湯瀉

升陽除濕湯

治胃氣不升。清氣在下。殄泄不已。

蒼朮

半錢

柴胡

升麻

羌活

防風

澤瀉

豬苓

神麴

各七
分

麥芽

陳皮

各五
分

甘艸

三分
炙

水二盞。煎一盞。去滓。空心服。如胃寒腸鳴。加益

智仁半夏各五分。薑棗同煎。

靈樞云。頭有疾。取之足。謂陽病在陰也。足有疾

取之上。謂陰病在陽也。中有疾。傍取之。中者脾
胃也。傍者少陽甲胆也。脾胃有疾。取之足少陽
甲胆也。甲風木也。東方春也。胃中真氣者。穀氣
也。飲食不化。穀氣下流者。濕勝故也。故曰濕多
成五泄。宜助甲胆風以克之。又是升陽助清氣
上行之法也。大抵此症。本胃弱不能克化。奪食
少。食欲使胃氣不困也。若藥劑大則胃不勝藥。
泄亦不止。當漸漸與之。不可多服餌也。

經云。飧泄取三陰。三陰者。太陰也。宜補中益氣湯。

去當歸加白芍。東垣云。清氣在下者。乃人之脾胃
氣衰。不能升發陽氣。故用升麻柴胡。助甘辛之味。
以引元氣之升。不令下陷爲殄泄也。

加味四君子湯 治氣虛泄瀉。

四君子加肉豆蔻煨訶子炮各一錢薑棗煎。一
方加縮砂藿香炮薑各五分。山藥蓮子陳皮各
一錢。烏梅一箇。名參苓蓮朮散。

諸痢治法統論

痢疾古名滯下。亦名腸澼。以其滯澁腸藏。下多不快。而澼澼有聲也。或赤或白或赤白相雜。或下腸垢而無糟粕。或糟粕相雜。雖有痛不痛之異。然皆裏急後重。逼迫惱人。

痢疾古有赤熱白冷。及五色分屬五臟之辨。然藏府寒熱。當以脈症互參。雖有前說。存之而已。若執此認病泥矣。

準繩謂後重。因邪壓大腸墜下者。當用大黃枳榔輩。

如謙甫水煮木香膏東垣白朮安胃散等方瀉其所
壓之邪則後重自除若邪已瀉其重仍在者知大腸
虛滑不能自收而重當用御米殼等澁劑固其滑收
其氣用亦愈也議論自正但水煮木香白朮安胃二
方皆以御米殼爲君且有烏梅五味白芍訶子並無
枳榔大黃而云然者豈未之察耶

又謂大腸爲邪墜下之重其重至圍後不減大腸虛
滑不收之重其重至圍後隨減愚謂邪墜之重圍後
當減虛滑之重圍後不減茲反言之亦有誤耶

又訓休息痢多因兜住積滯。以至時作時止。宜四君子吞駐車丸。再投去積。却用兜劑。按四君駐車都非去積之劑。然議論自正。

敗毒散。發散風溫。益元散。解利熱邪。故俱治發熱下利。

治痢大法。後重者宜下。腹痛者宜利。身重者除濕。脈弦者去風。膿血稠粘。以重藥竭之。身冷自汗。以毒藥溫之。風邪內縮者。汗之則愈。鶩溏爲利者。溫之而已。又曰。在表者發之。在裏者下之。在上者湧之。在下者

竭之。身表熱者。內疎之。小便瀉者。分利之。盛者和之。去者送之。過者止之。

又曰。食寒冷者。宜溫熱以消導之。傷濕熱者。宜苦寒以內疎之。風邪內陷者。升舉之。濕氣內盛者。分利之。裏急者。下之。後重者。調之。腹痛者。和之。洞泄腸鳴。無力不及拈衣。脈細微而弱者。溫之。收之。膿血稠粘。數至。圓而不能便。脈洪大而有力者。下之。寒之。

分治痢症諸方

寒下之劑

潔古大黃湯

大黃

剉一兩

好酒二大盞。浸半日許。煎至一盞半。去滓分二服。頓服之。痢止勿服。如未止再服。取利爲度。後服芍藥湯和之。痢止再服白朮黃芩湯。盡微其毒也。審係寒積留滯。則宜溫下之法治之。

韓悉大黃湯

川黃連

吳茱萸炒一兩

廣木香

一兩

大黃

酒浸炒二兩

右爲末水丸。量人虛實加減丸數。蓋暑毒與食

物相搏結在下脘則升降出入不得循其正糟粕欲行不得行而火復迫之則將藏府脂膏逼迫而下故取大黃驅熱毒下糟粕清腸臟也如膿血相雜而脈浮大者慎勿以大黃下之下之必死謂氣竭也而陽無所收不收則死

和利之劑

芍藥湯

潔古

行血調氣經曰溲而便膿血知氣行

而血止也行血則便膿自愈調氣則後重自除

芍藥

一兩

當歸

黃連

黃芩

各半兩

大黃 三錢

桂 二錢半 甘艸 炒 枳榔 各二錢

木香 一錢

右九味咬咀。每服五錢。水二盞。煎至一盞。去滓溫服。一方無桂。甘有枳殼。名導滯湯。

先醒齋滯下丸

川連 薑汁炒 滑石 八兩研末 白芍 酒炒 甘艸 炙三兩

枳榔 四兩 枳殼 五兩 木香 二兩半

右爲末。荷葉湯稍加薑汁和丸。如菉豆大。每服四錢。

凡燥煩渴惡心者勿用木香。元氣虛弱者

勿用枳榔枳殼。裏急色赤者加當歸。惟惡心

嘔吐不思食勿用。白多加吳茱萸湯泡七分。

豆炒二錢。陳皮一錢。赤多加烏梅肉一錢。山查

肉二錢。紅麴一錢。腹痛加白芍三錢。甘艸三錢。

口渴及發熱調滑石末三錢。小便赤少或

不利亦加之。惡心欲吐即噤口痢多加人參

石蓮肉。綠色升麻醋炒。久利不止加肉豆蔻

一錢。蓮肉去心炒。扁豆茯苓各二錢。人參三錢。

劉河間曰。夫治諸痢者。莫若以辛苦寒藥治之。或微加辛熱佐之。蓋辛熱能發散邪氣。開通鬱結。苦能燥濕。寒能除熱。使氣宣平而已。其濕熱鬱抑。欲利不利。宜以韓悉加大黃利之。

當歸導氣湯

東垣

當歸

芍藥

各一錢

生地

二錢

甘艸

半錢

枳榔

木香

各二錢

青皮

槐花

炒各七分

澤瀉

五分

右爲末。用水煎。食前溫服。如小便利去澤瀉。

惡心去槐花加薑汁炒黃連。燥渴減木香一半。

丹溪青六丸 治血痢及產後腹痛自利能補脾補血去三焦濕熱。

六一散

三兩

紅麴

炒半兩

酒糊丸

按和者和養其腸胃利者通利其積滯凡正不足而邪有餘者宜倣此法治之。

疎解之劑

活人敗毒散

治下利發熱脈浮者。

人參

川芎

羌活

獨活

前胡

茯苓

枳殼

桔梗

炙艸

柴胡

陳倉米

右以咀每服五錢水一盞半生薑三片煎至七分去滓服無時一名倉廩湯

藿香正氣散

香薷飲

下利雖曰有積有熱如用藥不效卽是腸胃有風邪熱者赤者與敗毒散冷者白者不換金正

氣散。治痢之法。大要以散風邪。行滯氣。開胃脘。爲先。不可遽用栗殼龍骨牡蠣輩。以閉澀腸胃。邪氣得補而愈甚。不爲纏擾掇痛。則爲裏急後重。所以日夕淹延而未已也。內寇訶子白朮輩。恐其補住寒邪。亦不可遽投。

溫通之劑

葛氏療利色白。食不消者。爲寒下方。

豉一斤

薤白一把

水三升。煮取二升。及熱頓服之。此不從暑毒而

發者。或過啖生冷。或坐卧高堂大厦。寒氣所乘。脾亦不運。故隨感而爲痢。以葛氏敗蘗湯治之。如逾二三日。寒化爲熱。其病形與暑毒同也。

黑丸子

烏梅肉

杏仁

去皮尖另研十四粒

巴霜

去油半錢

百草霜

六錢

右爲細末。和勻稀糊爲丸。如黍米大。每服十五丸。加至二十丸。白湯送下。一方有半夏縮砂各十四粒。

感應丸

溫補之劑

理中湯

人參

白朮

炮薑

炙艸

水煎服如利不止宜加豆蔻木香有熱加黃

連

真人養臟湯

人參

白朮

白芍

木香

各一兩
六錢

甘脾

肉桂

肉豆蔻

麝

各八錢
五錢

煨

御米殼

蜜炙

訶子肉

一兩二錢

右改咀。每服四錢。水一盞半。煎至八分。去滓食前溫服。忌生冷魚腥酒麪油膩之物。如滑泄夜起。久不差者。可加附子四片。此溫補兼收之劑。臟虛滑脫者宜之。若有熱者不可用也。宜冷澁之劑。

冷澁之劑

外臺方治傷寒八九日至十餘日。大煩渴作熱。三焦有瘡。噤下利。或張口吐舌。目爛口瘡。不識人。用

此除熱毒止痢。龍骨半斤。水一斗。煮四升。沉之井底。冷服五合。漸漸進之。肘後方治熱病下利欲死者。龍骨半斤。研。水一斗。煮取五升。候極冷。稍飲得汗。卽愈效。又治久利。休息不止者。龍骨四兩。打碎。水五升。煮取二升半。分五服。冷飲。仍以米飲和丸。每服十丸。按三方。並用龍骨水煎。冷服。蓋以冷除熱。而以澁固脫爾。

和養之劑

駐車丸 治一切下痢。無問冷熱。

阿膠

十五兩搗碎蛤粉炒成珠以醋四升熬成膏

當歸

十五兩

川黃連

三十兩

炮乾薑

十兩

右爲末同阿膠膏杵成丸梧子大每服三十九食前米飲下日三

凡蘊熱血痢裏急而痛甚雖已疎通蕩滌然其痛不減者非熱亦非積也營血虧少陽剛勝陰故爾用藥當以血藥爲佐營血一調其痛立止矣

門人

平舟沈安伯

星門陳步羔

全校字

珊圖南

男

龍翔召南

金匱翼卷七